

ՈՐՈՇՈՒՄ

ԱՆՀԱՏԱԿԱՆ ՊԻՍՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՅԱԼ

Քաղ. երեւան

23 սեպտեմբերի 2008 թ.

Հայաստանի Հանրապետության Սահմանադրական դատարանի 1-ին դատական կազմը՝
Նախագահությամբ՝ Վ.Հովհաննիսյանի
Անդամակցությամբ՝ Կ. Բալայանի
Վ.Պողոսյանի

Քննության առնելով ՀՀ քաղաքացի Ռուբեն Թորոսյանի դիմումի ընդունելիության հարցը,

ՊԱՐԶԵՑ

Քաղաքացի Ռուբեն Թորոսյանը 08.09.2008թ. դիմել է ՀՀ սահմանադրական դատարան՝ վիճարկելով ՀՀ վարչական դատավարության օրենսգրքի 143-րդ հոդվածով սահմանված դրույթների սահմանադրականությունը:

Ռ. Թորոսյանը 2008թ. մարտի 3-ին հայցադիմում է ներկայացրել ՀՀ վարչական դատարան՝ «Ընտրական իրավունքի պաշտպանության դիմում-բողոքների քննարկման կարգի խախտման ԿԸՀ գործողությունները ոչ իրավաչափ ճանաչելու և վերջինիս կողմից համապատասխան բարենպաստ վարչական ակտ ընդունման պարտավորեցնելու մասին»:

2008թ. մարտի 4-ին նա երկրորդ հայցադիմումն է ներկայացրել ՀՀ վարչական դատարան՝ «ՀՀ Նախագահի 2008թ. ընտրությունների արդյունքների ամփոփման սահմանված կարգի խախտման ԿԸՀ գործողությունները ոչ իրավաչափ ճանաչելու մասին»:

ՀՀ վարչական դատարանը՝ 2008թ. մարտի 13-ին երկու հայցադիմումներն էլ ընդունել է վարույթ:

ՀՀ վարչական դատարանը՝ գտնելով, որ վեճի առարկան չի հանդիսանում ընտրական գործընթացի բաղադրատարր, հայցադիմումները քննել է ՀՀ վարչական դատավարության օրենսգրքով սահմանված ընդհանուր կանոններին համապատասխան, և իր՝ 2008թ. օգոստոսի 1-ին կայացրած վճիռներով երկուսն էլ մերժել է: ՀՀ վարչական դատարանը վճիռներում նշել է, որ դրանք կարող են բողոքարկվել վճռաբեկության կարգով՝ ՀՀ վճռաբեկ դատարան:

Ռ. Թորոսյանը 04.08.2008թ. դիմել է ՀՀ վարչական դատարան՝ վերոնշյալ վճիռների վերաբերյալ պարզաբանում ստանալու նպատակով: ՀՀ վարչական դատարանը, 06.08.2008թ. քննության առնելով թիվ ՎԴ/1614/05/08 վարչական գործով ՀՀ վարչական դատարանի 01.08.08թ. կայացրած վճռի պարզաբանման մասին հարցը, գտել է, որ տվյալ գործով վիճարկվում են ՀՀ կենտրոնական ընտրական հանձնաժողովի գործողությունները և տվյալ վեճով գործի վարույթը չի հանդիսանում ընտրական իրավունքի պաշտպանության վերաբերյալ գործի վարույթ, հետևաբար, այդ գործը ենթակա չէ քննության ՀՀ վարչական դատավարության օրենսգրքի 26-րդ գլխի կանոնակարգումներին համապատասխան:

14.08.2008թ. դիմումատու դիմել է ՀՀ վարչական դատարան՝ «Վարչական գործերով 01.08.2008թ. կայացված վճիռներում թույլ տրված վրիպակներն ուղղելու և վճիռների

պարզաբանունը մերժելու մասին» ՀՀ վարչական դատարանի 06.08.2008թ. որոշումների դեմ: 19.08.2008թ. ՀՀ վարչական դատարանը կոլեգիալ կազմով վերոնշյալ գործերով կայացված վճիռների դեմ բերված բողոքները մերժելու մասին որոշումներ է ընդունել, գտնելով, որ ՀՀ վարչական դատարանի 06.08.2008թ. կայացված որոշումները վերացնելու հիմքեր չկան:

Ղիմումատուն 04.08.2008թ. վճռաբեկ բողոք է ներկայացրել ՀՀ վճռաբեկ դատարան՝ ՀՀ վարչական դատարանի 01.08.2008թ. վարչական գործերով վճիռների դեմ: Չսպասելով ՀՀ վճռաբեկ դատարանի կողմից որոշում կայացնելուն, ղիմումատուն դիմում է ներկայացրել ՀՀ սահմանադրական դատարան՝ չսպառելով դատական պաշտպանության բոլոր միջոցները:

Համաձայն ՀՀ Սահմանադրության 101-րդ հոդվածի 6-րդ կետի՝ անձը համապատասխան պահանջով ՀՀ սահմանադրական դատարան կարող է դիմել միայն այն դեպքում, երբ սպառվել են դատական պաշտպանության բոլոր միջոցները, իսկ «Սահմանադրական դատարանի մասին» ՀՀ օրենքի 69-րդ հոդվածի 7-րդ մասի՝ անհատական ղիմումների քննությունը ... կարող է մերժվել, երբ ... դիմողը չի սպառել դատական պաշտպանության բոլոր միջոցները:

ՀՀ դատական օրենսգրքի 35-րդ հոդվածի 2-րդ մասի համաձայն, «վարչական դատարանի վճիռները կարող են բողոքարկվել միայն վճռաբեկության կարգով»: Տվյալ դեպքում ղիմումին կից փաստաթղթերում առկա չէ ՀՀ վճռաբեկ դատարանի համապատասխան ակտը, որը կվկայեր այն մասին, որ դիմողն սպառել է դատական պաշտպանության բոլոր միջոցները:

Ղեկավարվելով «Սահմանադրական դատարանի մասին» ՀՀ օրենքի 69-րդ հոդվածի 8-րդ մասով, ՀՀ սահմանադրական դատարանի 1-ին դատական կազմը

ՈՐՈՇԵՑ.

1. Քաղաքացի Ռ. Թորոսանի ղիմումի քննության ընդունումը մերժել:
2. «Սահմանադրական դատարանի մասին» ՀՀ օրենքի 69 հոդվածի 8-րդ և 8-րդ մասերի համաձայն դատական կազմի որոշումն ընդունվել է ՀՀ սահմանադրական դատարանի անունից:

Նախագահող՝

Անդամներ՝

